

洪氏集验方(洪氏集驗方)

<目录>

<篇名>重刊宋本洪氏集验方序

属性：此集验方五卷，南宋·洪文安所手辑。文安名遵字景严，皓之仲子，以博学鸿词中选，起家为秘书省正字，孝宗朝，官至资政殿学士。方遵登制科时，高宗因皓远使，推恩即命遵入馆。词科中选即入馆，盖自遵始，非故事也。宋祖宗之朝，君相以爱民为务，官设惠济局，以医药旋舍贫人，故士大夫亦多留心方书。如世所传《苏沈良方》，许学士《本事方》之类，盖一时风尚使然。夫古人立方各有深义，今世庸医不知其理，妄行增损，遂有学医人费之消。忆孙渊如先生有言：今世外科每奏奇功，而内科不能者，外科用古方，而内科不用古方之故也。余往日刻新安程氏《易简方论》一书，亦欲世人稍知古方本义，今复翁此书之刻，殆与余有同心也夫。

\x 吴县石韞玉序

<目录>

<篇名>重刊宋本洪氏集验方后叙

属性：《洪氏集验方》，惟延令季氏书目有之，知宋版外，绝无流传之本；余故从宋本录副，今始付雕。其书五卷皆全，无序有目，而目共五叶，其一号、二号、四号，系旧时钞补，兹以乌丝栏细者别之，此用汲古钞补宋版例也。本书字句间有不同，如“黄牛角鳃”或有作“腮”者，或云“一枝”，或云“一个”，又“慢火”或作“熯火”。又黄 状如箭竿长二三尺，头不叉者，“又”疑“叉”之误。又洗净寸截，捶破□壁以盐汤润透，□系蠹蚀处，尚有系旁可审，疑□是“县”字，以意补之。其余版心刻工姓名有蠹蚀去者，空之，无足重轻，不复补写。以上各条，皆随举一二，以见宋刻原本如是，非涉重刊，而有讹舛脱漏也；大抵方书之字，大有关系处，在药名、分两、法制诸端，其余异同可勿深论。此书刊成，求序于独学老人，有札示余云：昨所言交感丹，愚疑用香附太偏重。因查敝处所藏方书，乃是香附一个，配茯神四两。尊钞是香附一斤，窃意香附一个，无一斤重之理，恐系抄胥之误，祈再查原本。此固慎重起见，然余即以此方降气汤、牙药二条证之，一用半斤，一用五两，是降序用之，原方一斤非误。倭宋之癖如是如是，并附着之，以质诸深于医理者，一正其是非云。

\x 嘉庆己卯孟秋吴县黄丕烈叙

<目录>卷第一

<篇名>治痢

属性：\x 先忠宣获此方，屡有神验。 \x

黄连 吴茱萸（各二两）

如常法拣洗焙干，黄连锉令寸断；同一处炒，俟香熟，分为二，各用醋糊为丸，如桐子

大。（若小儿则如绿豆大。）悉赤痢，则服黄连，白痢则服茱萸，赤白则并服之。赤先白后，则先黄连而后茱萸。赤多白少，则二分黄连，一分茱萸。反是亦如之。每服五七十粒至百粒，服之以愈为度，陈米饮下。（大率茱萸治白，黄连治赤也。黄连用鹰爪者。）

<目录>卷第一

<篇名>肉豆蔻散

属性：治赤白痢，无药可治者，其效如神，上吐下痢者亦治。（以下三方，韩子温肉豆蔻（切片子，炒黄色） 樱栗壳（捣碎，用蜜，拌匀，炒黑黄） 甘草（切碎，炒黄

上等分，捣罗为末。每服六钱。如赤痢，多加甘草一寸，炙黄，同煎。若白痢，多加炒生姜一块，同煎。用水二大盏，煎至一盏半，通口服，不计时候，却将两服滓再煎服，无不愈者。

<目录>卷第一

<篇名>祛疟散

属性：热多寒少者一服，无不验。（予家每合以济人，一服即愈。）

治时行寒热，诸药不效者。今有梦中神传药方，如有此疾者，根据方服之即愈。如所感深重，一服未愈者，定毒发一次，更不再来。

好高良姜（锉碎，微炒） 好川白姜（炮，锉）

二味各碾为极细末。

上各秤等分，勿令偏些，再入乳钵内，一处研匀，细罗过二味。病大者，共抄三大钱，病小者，共三小钱，于当发日日未出时，以猪胆二枚，勿用白色者，割开取汁，与药调匀，再用热酒少许，打匀，通口猛作口咽，更以酒少许送下，急嗽口，以甜物压之。一日不得吃别药，忌大寒物。（其胆须是猪胆，其翁母猪胆不中。江南谓之嫩猪。）

<目录>卷第一

<篇名>大交泰丹

属性：\x 伤寒未分阴阳不可服。 \x

治阴阳二毒伤寒。或因下早亡阳，或致结伏胸膈，四肢厥冷，脉息俱无，心躁如火。或因冷物伤脾，夹脐疝痛；生硬入胃，中满痞塞，潮发寒热。并治翻胃，哕逆，霍乱，吐痢，小肠癖，肋肋气痛。但是阴阳不顺恶候，伤寒坏证，并皆治之。每服一粒，炭火内通赤，良久取出，放冷，细研如粉，米饮一盏，煎七分，温服，不拘时候，隔半时辰再进一服，其效如神。兼治小儿疮疹倒仄，根据法服半粒，立愈。

金星石 太阴玄精石 银星石 云母石（白色片子） 代赭石 桂府滑石 禹余石（以上

各一两）寒水石（吉州者，一两半）不灰木（一两，色青黑，性软者）

上件九味，入瓷瓶子，炭半秤，候火耗一半，取出放冷，研为细末，糯米粥为丸，如弹子大，候干用。（系医坏证伤寒，一服可活一人。）

<目录>卷第一

<篇名>混元胎丹

属性：乃阴阳始生之物，气、精、血初生之英华，盖人元宫真气所化；修真之士服饵，补漏，壮气，固神，益髓，通神明，延寿命，增益道涯，超范围外。内丹之基，具服饵，方如后。

（久无嗣息者，服此有验。）

以首儿衣（二八月者不用，收时，连带中元血收）

用长流水净洗，控干，入瓷瓶中，下无灰法酒三大胜，脑子、麝香。随力下之，多止一钱，或半字，以纸封瓶口，下用文武火，候酒将尽，取出，再入酒三胜，根据前却，用竹篦或金银篦不住搅，以觉烂糜似粥模样，待冷，取入砂盆内细研如粉，别入外料。

人参（二两）茯苓（二两）乳香（半两）朱砂（半两水飞过，晾干取净）山药（四两）

以上并为细末，人参等须择佳者。

上用上件药末，入于所煮药内。如干时，更用原酒旋旋添，拌匀一处，搅搜为丸，梧桐子大，慢火焙干。每日空心五十粒，加至一百粒，用温酒盐汤下，良久，用甜淡饮食饱压；逐日葷味中减少五味。（谓甜、淡、咸等物。）服至五七日，微觉小腹连腰沉重，不须疑虑，乃是药力攻，元气相补助如此。

<目录>卷第一

<篇名>还少丹

属性：西川罗赤脚仙还少丹大补心肾脾胃，一切虚损，神志俱耗，筋力顿衰，腰脚沉重，肢体倦怠，血气羸之，小便昏浊。（陈晦叔敷文传。）

干山药 牛膝（酒浸一宿，焙干，各一两半）山茱萸 白茯苓（去皮）五味子 肉苁蓉

（酒浸一宿，焙干）石菖蒲 巴戟（去心）远志（去心）杜仲（去粗皮，用生姜汁并酒合和，

涂炙

上捣罗为末，炼蜜，入枣肉为丸，如梧桐子大。每服三十丸，温酒盐汤下，日进三服，皆食空时。（如早食并服之无妨。）至五日觉有力，十日精神爽健，半月气力稍盛，二十日目明，一月夜思饮食，冬月手足常暖。久服无毒，令人身体轻健，筋骨壮盛，怡悦难老。更看体候加减，如身热加山梔子一两，心气不宁加麦门冬一两，少精神加五味子一两，阳弱加续断一两。常服齿牢，永无瘴疰。妇人服之，姿容光悦，去一切病，治子宫久冷。

<目录>卷第一

<篇名>琼玉膏

属性：铁瓮先生神仙秘法琼玉膏（陈晦叔服此药有验。）

新罗人参（二十四两，舂一千下，为末） 生地黄（一秤十六斤，九月采，捣） 雪白茯苓

（四十九两，木舂千下，为末） 白沙蜜（十斤）

上件，人参、茯苓为细末，蜜用生绢滤过，地黄取自然汁，捣时不得用铁器，取汁尽滓用。药一处拌，和匀，入银石器或好瓷器内封用，如器物小，分两处物盛。用净纸二三重封闭，入汤内，以桑木柴火煮六日，如连夜火即三日夜。取出用蜡纸数重包瓶口，入井内，去火毒一伏时。取出再入旧汤内，煮一日，出水气。取出开封，取三匙，作三盏，祭天地百神，焚香设拜，至诚端心。每晨朝，以二匙温酒化服，不饮者，白汤化之。此膏填精补，肠化为筋，万神具足，五脏盈溢，髓实血满，发白变黑，返老还童，行如奔马，日进数食，或终日不食亦不饥，关通强记，日诵万言，神识高迈，夜无梦想。人年二十七岁以前，服此一料，可寿三百六十岁；四十五岁以前服者，可寿二百四十岁；六十三岁以前服者，可寿百廿岁；六十四岁以上服之，可寿至百岁。服之十剂，绝嗜欲，修阴功，成地仙矣。一料分五处，可救五人痼疾；分十处，可救十人劳瘵。修合之时，沐浴志诚，勿轻示人。

<目录>卷第一

<篇名>一粒金丹

属性：治中风瘫痪，口眼斜，涎潮语涩，浑身疼痛。应一切风疾，悉皆治愈。（张真甫舍人传，得之刘信叔。）

大川乌头，（炮，去皮脐） 大黑附子（炮裂，去皮脐） 新罗附子（炮裂，以上各二两）五

灵脂（一两） 白僵蚕（一两，去丝，炒） 白蒺藜（一两，炒，去刺） 没药（半两，研） 朱砂

（半

百片）

上件，前六味，同为末，后四味研匀，同合和令匀，用井花水一大盏，研墨尽为度，将汁搜和，用杵臼内捣五百下，和丸如弹子大，金箔为衣，窆干。每服一粒，用生姜一两，去皮，取自然汁，将药丸于汁内磨化尽，用无灰热酒一大盏，同浸化，温服。更量性多少，吃温酒一二升，投之，以助药力，用衣被盖覆，汗出为效。痛热重者，日进二服，不拘时张天师留传老换少壮，轻身强记，驻颜悦色，发白变黑，开心中迷忘，聪明耳目。

<目录>卷第一

<篇名>神妙六逸丸

属性：\x 贺州王承务方，李少卿若朴传。 \x

石菖蒲（九节者，能开心孔，聪明耳目，益智不忘，出音声，治耳聋，高志不老） 菟
丝
子（补不足，益气力，坚筋骨，主口苦燥渴。久服轻身延年） 地骨皮（主五脏邪气，燥热消
渴，裨益真气。久服轻身，坚筋骨，不老，耐寒暑） 远志（补不足，除邪气，益精神，注
智
聪，明耳目。去皮肤中热。久服轻身不老，好颜色，益心） 生干地黄（填骨髓，长肌肉，
去
胃中宿食，补五脏，通血脉，益气力，利耳目） 牛膝（能助人筋骨，偏治腰疼，益真气，
变
白发。久服轻身不老，耐寒暑）
上件药各用二两，先总锉碎，用酒浸之，春夏五日，秋冬七日，慢火焙干，捣罗为末，
炼蜜为丸，如梧桐子大；每服空心温酒下三十丸至五十丸，百病俱退。服至一百日，老却少
容，服至一年，发如漆过。二年颜如童子，三年骨髓坚实，四年鬼神自散，精神爽清。合药
并服时，忌鸡犬见。所传不得过十三家。（湖州杜助教所传。葛仙翁六神丸，用药六味，与
此方同。）

<目录>卷第一

<篇名>铁瓮申先生交感丹

属性：\x 俞居易侍郎传。 \x

世人中年精耗神衰，常言百事心灰，盖缘心血少，而火不能下降于肾，气惫而水不能上
升至心，中焦隔绝，营卫不和；所苦者，上则心多惊悸，中则寒痞，饮食减少，下则虚冷遗
泄，甚至于阴痿不兴，脏气滑泄。愚医徒知峻补下田，非独不能生水滋心，而建伪失真，立
见衰悴，夭折之由，当自此始，悲夫。所处此方，广济迷流，然不可忽此药品。志心服之半
年，渐屏去一切暖药，又不可持此而驰嗜欲，然后力习秘固溯流之术，其神效不可殚述。质
之天地，切勿妄传。居易之祖通奉遗训云，予年五十一岁，遇铁瓮申先生，授此秘术，酷志
行持。服食一年大补，平日所服暖药，一切屏尽，而饮食嗜好不减壮岁，此药力之功大矣。
今年八十五，享天然之寿，瞑目无憾，独此药传之，理当普示群生，同登道果，药后有汤与
牙药，可同用之。

茯神（四两） 香附子（一斤，去毛，用新水浸一夕，炒令黄色）

上为末，炼蜜丸如弹子大。每服侵晨一丸，以后汤嚼下。

<目录>卷第一

<篇名>降气汤

属性：茯神（二两） 香附子（半斤，炒浸如前） 甘草（一两半，炙黄）

上为末。每服二钱，沸汤点下。

<目录>卷第一

<篇名>牙药

属性：香附子（五两）

上以生姜三两研，和滓汁浸香附子三夕，炒焦黑存性，为末，以青盐二钱，拌匀，揩牙。

<目录>卷第二（痈疽）

<篇名>化毒排脓内补散

属性：（丞相兄刊是方于徽州，予屡以施人，皆效。）治一切痈疽疮疖，未成者速散，已成者速

速溃，败脓自出，无用手挤，恶肉自去，不犯刀杖；服药后，疼痛顿减，此其尝试之效也。歙丞胡权初得方于都下异人，时有苦背疡者七十余头，诸药遍试不效，因出是方示之。众医环立，相目而笑曰：是岂痈疽所用药耶。固谓之曰：古人处方自有意义，观其所用药性平和，纵未能已疾，必不至坏病，服之何害。乃治药与服，以热酒半升许，下药五六钱。少顷，痛减七分，数服之后，疮大溃，脓血流迸，若有物自内托之。服之经月，疮口遂合，若未尝有所苦者。又有苦腹疾者，其痛异常，医者莫晓时意。此药颇能止痛，试以饵之，当日下脓二三碗许，痛亦随止，乃肠痈也。又一老人，忽胸间发肿，根脚甚大，毒瓦斯上攻，如一瓠然，

斜插项右，不能转动。服药，明日毒肿既散，余一小瘤，如栗许大。又明日，帖然如故。又一人发脑，疑此方不服，既殒于庸医之手。明年，其子复苦此，与父之状不异，因惩父之失，纵酒饮药，遂至大醉，竟日衮卧地上，酒醒病已去矣。又一妇人发乳，肿疼痛，不可堪忍，自谓无复生理。又二妇人，股间发肿，大如杯碗，服此皆脱然如失。蒙济者不可悉数，姑叙大略，以示未知此方者。大抵痈疽之作，皆气血凝滞，风毒壅结所致，治之不早，则外坏肌肉，内攻脏腑，去生远矣。详味此方其所用者，皆发散风毒，流行气血，排脓止痛，生肌长肉等药。五毒不试，而坐收疡医十全之功，其可尚已。今按本草，于逐味下聊疏药性温凉，与所治疗，虽处方妙指不可遽晓，庶仓猝之际，可以见其用药大意，而服之不疑。

人参（微温，无毒。主补五脏，除邪气，通血脉，破坚积，疗心腹鼓痛，胸胁逆满。今以新罗者为上，择团结重实滋润者，洗净去芦，薄切，焙干） 当归（大温，无毒。主温中止

痛，除客血内塞，客气虚冷，补五脏，生肌肉，治一切风，一切劳，破恶血，养新血。又《外台》、《金匱》等方，皆谓大补不足，决取立效之药。凡气血昏乱者，服之即定，谓能使气血归所。当归制名之义，宜出于此。今取川中来者，择大片如马尾状，滋润甜辣芬香者，温水洗，薄切，焙干） 黄（微温，无毒。主痈疽久败疮，排脓止痛，逐五脏间恶血，补丈夫虚

损五劳，羸瘦，烦闷热毒，活血。以绵上来者为胜，状如箭竿，长二三尺，头不叉者。洗净，寸截，槌破悬壁，以盐汤润透，用盏盛，盖汤瓶上一炊久，焙燥，随众药入碾，即成细末）

芎（温，无毒。主中风入脑，头痛寒痹，筋挛拘急。除脑中冷痛，面上游风，治一切风，一切气，一切血，一切劳损，诸寒，心腹坚痛，中恶，卒急肿痛，腰脚软弱，半身不遂。壮筋骨，调众脉，破症结，治痈疽发背，排脓消瘀，养血长肉。以川中来者为上，今多用抚芎。大块者净洗，切焙） 防风（温，无毒。治心腹痛，四肢拘急，经脉虚羸。主骨节风，男子

一切劳劣；补中益神，通利五脏关脉，五劳七伤，羸损盗汗，心烦体重。能安神定志，匀气脉。择新香者，净洗，切焙） 浓朴（大温，无毒。主中风寒热，血痹死肌，温中下气。去留

热，止烦满，浓肠胃，去结水，破宿血，消化水谷，止五脏一切气痛。宜用梓州来者，肉浓而色紫，掐之油出；去粗皮，切，姜汁窖一宿，熟，焙燥，切。勿用杜、朴） 桔梗（微温，

有小毒；主胸胁痛如刀刺，腹满肠鸣，利五脏，补血气，除寒热，破血消积，止心腹胀痛。补五劳，养气除邪，又养血排脓，补内漏，疗胸中寒。肺脉数，咽喉不渴，时时出浊唾腥臭，吐脓如粳米粥，是肺痈。治之用桔梗甘草各二两，水三升，煮取一升，分再服，朝暮吐脓血即瘥。今所在有之，以有心、味苦者为真。无心、味甘者荠也，主解药毒，恐于众药不利，切勿误用。洗净去头尾，薄切焙燥），白芷（温，无毒。破宿血，长新血。治乳痈瘰，肠风痔，排脓止痛生肌） 桂（大热，有小毒，一曰：温，无毒。为诸药先聘，主温中，利

肝肺气。去心腹寒热，补五劳七伤，通九窍，利关节，破 癖症瘕，消瘀血，续筋骨，生肌肉。筒浓者，宜入治脏及下部药；轻薄者，宜入治头目发散药。今宜用卷薄者。古法带皮桂，每两止取二钱半，合用一两者，当买四两。候众药罢，别碾方入） 甘草（平，无毒。主脏腑

寒热邪气，坚筋骨，长肌肉，解毒，温中下气，倍力。生用）

上十味，选药贵精，皆取净，晒焙极燥方秤。人参、当归、黄 各二两，余各一两。除桂外，一处为细末，入桂，令匀。每服自三钱，加至五六钱，热酒调下，日夜各数服，以多为妙。服至疮口合，更服为佳。所以补前损，杜后患也。不饮酒人，浓煎木香汤下，然不若酒力之胜也。或饮酒不多，能勉强间用酒调，并以木香汤解酒，功效当不减于酒也。

<目录>卷第二（痈疽）

<篇名>神授痈疽灵方

属性：\x 唐吕西华遇胡僧，授此方，《沈存中良方》备载其事。 \x

白麦饭石（颜色黄白类麦饭者，曾作磨者尤佳。炭火烧赤，醋中浸之，十遍止，为末）

白蕊末（与石等分） 鹿角（三二寸，截之。不用自脱者。凡带脑骨者，即非自脱。炭火烧之，烟尽为度，捣为末，倍前二味）

上并捣，筛令细。取多年米醋，于铛中煎，并令鱼眼沸，即下前件末，调如稀汤。以篋子涂敷肿上，只当疮头留一指面地，勿令合，以出热气。如未脓，当内消；若已作头，当撮

小。若日久疮甚，肌肉损烂，筋骨出露，即于布上涂药，贴之疮上，干即再换，但以膏中不穴，无不瘥。疮切忌手触，宜戒之。刘梦得《传信方》亦载。

<目录>卷第二（痈疽）

<篇名>治乳痈发背，诸般疮毒。

属性：\x 丹阳僧传。 \x

金银花（一名忍寒草）

上采叶，研为滓，敷疮口。（花五出而白，微香，蒂带红色，野生延蔓，叶如薜荔而青予见《沈存中良方》所载，忍冬嫩苗，治痈疽云：江西医僧鉴清，善治背疽，得其方，用老翁须。后在金陵，闻医王善琪治疡，其方用水杨藤，观之，乃老翁须也。又友人王子渊，自言得神方，活数人，方用大薜荔。又杜医治疡，常以二万钱活一人，方用千金藤。又宁国尉王子骏传一方，用金银花。海州士人刘纯臣传一方，用金钗股，皆自神其方。求其草视之，盖一物也。存中云，仓卒求不获，只用干叶为散，并甘草酒煮服，然不及生者。）

<目录>卷第二（痈疽）

<篇名>灵宝膏

属性：治一切痈疽，脑疽，发背等疾。（杨池州传云：是方得之异人，和王施此药，前后活数百人，甚有神验。）

大栝蒌（十枚，隔二三年陈者，尽去其皮，留穰子，约有半升许，用砂盆研细如粉） 新胡桃（十枚，不油者，汤去膜，研细如粉） 滴乳香（十块，如大指头，大乳钵内研细如粉） 上用白沙蜜十两，同前药于银石器内，极慢火熬三时辰，其稠如饴糖，多合少合准此。每服二匙，无灰酒半盏调下，不拘时候，甚者不过两三服，其效如神。治痈疽发背，初觉毒气攻系，赤肿 痛方。（行在金翰林传。）

犀角（镑，一两） 玄参（一两） 川升麻（一两） 黄（一两） 赤芍药（一两） 麦门冬（

一两，去心） 甘草（一两） 当归（一两） 大黄（二两，微炒）

上为粗末。每服三钱，水一盏，煎八分，去滓，不计时。

<目录>卷第二（痈疽）

<篇名>发背灸法〔一〕

属性：\x 郭廷圭知县传。 \x

先用蜡线，度左手中指头，至手掌下横纹止。其横纹有三两条，当以长而分明者为正。却将所度蜡线，自尾间骨取中，逆量至脊椎骨，如度之长，以墨记之。次以蜡线取中指中节，量一寸。中指中节两头横纹多，当侧取横纹中，长而分明者为正。却将所量蜡线，横于墨点处，每边各量一寸，朱点记之，此正灸穴处。前以墨处乃用取中，非灸穴也。视背疽发于左则灸右，发右则灸左，甚则左右皆灸，至三十壮而止。妇人则用右手中指取度，其灸法与

男子同。妇人奶痈，凡发背、发肋、发脑、发腿之类，不论男女皆可灸。郭云，自得此法，救人不可胜计。有亲戚姓陈者，得此疾，其妻儿告急，而陈苦不之信，迫不得已灸之。才十壮，其红肿处渐消，于是欣然听命。再灸二十壮，觉热毒之气从肿处下，如以手拓，从尾闾骨发散，陈至今无恙。又云，庄妇忽背间痒痛，伛背以行，问知其状，使以法灸，随手即愈。如是非一，不能尽记。

<目录>卷第二（痈疽）

<篇名>发背灸法〔二〕

属性：\x 叶子昂丞相传。 \x

男左女右，以手中指自上至手尽处，第一路为度，却用此去自尾闾骨尽处量。（在腰间）

甚则左右穴皆灸；妇人乳痈，亦用此法治之。

<目录>卷第二（痈疽）

<篇名>治背疽糝药

属性：\x 童县尉传。 \x

龙游有患背疽，已溃如碗面大，视五脏仅隔薄膜耳，自谓必死。有用大鲫鱼一枚，剝去肠脏，以羯羊粪实其中，烘焙焦黑，极干燥，研为细末，干糝之，疮口遂收，至今无恙。

<目录>卷第二（痈疽）

<篇名>内消发背

属性：杏仁（三七粒） 巴豆（三七粒，去油令尽） 砂（半钱） 乳香（半钱）

上将上件药一处研细，次用淮枣三七个，去皮核，研碎，又用丁香三七粒，斑蝥三七个，乌梅三七个，去核，三味同为末，通前药拌匀，用饼药面十文，生面十文，以冷水搜，裹药在内，慢火一日，莫令烧过。候药熟，取出地上，将盆盖覆，出火气，然后出面，只取药细研，入少许，蒸饼。末，滴水为丸如绿豆大。老者七粒，壮者十粒，旋入甘草少许，用马兰酒吞下。春用马兰苗四两，生者；秋后用马兰根白芽四两，研细，同酒半升研，去滓，吞下。如不饮酒，蜜水亦可，只可三服。

<目录>卷第二（痈疽）

<篇名>治甲疽肉裹甲，脓血疼痛不瘥。

属性：\x 出灵苑。 \x

胆矾（洗）

上先剔去甲中肉，敷药疮上，纵有肉，才敷即干落。

<目录>卷第二（痈疽）

<篇名>治肿毒发背，一切痈疽经验方。

属性：\x 鄱阳都路分，因请大仙得此方，徐纲镂板印施。便痈

横纹甘草（一两，炙干，碾为细末）

上分为三服，无灰热酒调一服，如人行一里，再一服，三服并吃。鄱阳徐纲，忽患右足赤肿，三日不能履地，医治无效，才服此药，须臾之间，即能移步，再服全愈。

<目录>卷第二（痈疽）

<篇名>治肿毒发背，一切痈疽夺命膏。

属性：\x 赵教授得之全州医，屡有神验。以下三方，次第用之

麻油（四两，熬一二沸） 石蟹（一枚，烧，米醋淬，才黑又烧，碎，为末） 防风（一

两，切，焙） 蛤蚧（一对，，存性） 灯心灰（一分） 蜈蚣（一条，烧，存性） 全蝎（七个，

烧，存性） 血竭（一分，别研） 黄连（半两，去芦，切，焙） 当归（半两，切，焙） 上件为末。用文武火熬麻油，滴水中不散。次入众药一处，急用柳枝不住手搅，候滴入水中成珠为度。候极冷，贴疮如常法。

<目录>卷第二（痈疽）

<篇名>胜冰散

属性：茵陈（半两，焙） 防风（半两，焙） 滑石（一两，别细研） 当归（半两，焙） 地龙（半

两，碾） 乳香（半两，别研） 螺青（一两，研） 马牙硝（半两，研，各取末）

上八味，一处和匀。用新汲水调涂肿处，不可令稀，时时涂之，勿使至干。

<目录>卷第二（痈疽）

<篇名>应痛内托丸

属性：赤芍药（一两，焙） 当归（一两，焙） 血竭（一分，研） 麝香（一分，研） 栝

蒌根（二两，火，存性） 人参（半两，焙） 沉香（半两，锉） 茵陈（半两，焙） 全蝎（七

枚，，存性） 大

上件十味，和匀为末，炼蜜丸如弹子大。每服一粒，乳香汤化破服之。或嚼吃亦得，不拘时。

<目录>卷第二（痈疽）

<篇名>圣柳散

属性：苍术（四两，米泔水浸一宿，焙） 连翘（一两，焙） 甘草（一两，炙） 大黄（半两，切）

人参（半两，切） 赤茯苓（半两，切） 黄芩（二钱半，，存性） 桔梗（半两） 白术（一

分） 枳壳（一两，麸炒，去白） 南木香（一两，切） 益智（一两，去皮，切） 白芷（半两，

焙） 苦参（一两，切）

上件为细末。如渴时，加牙硝半两，别研入。每服二大钱，水一盏，柳枝七寸，同煎至八分，去滓温服，不拘时。

初发即用夺命膏贴。如胸膈满闷，大肠秘结，即用应痛内托丸主之。如四边赤肿日增，即用胜冰散主之。如烦渴不已，疾势转增，即用胜柳散；此疾浅深，治法次第也。忌鸡肉、湿面，疾愈半年方可食。

<目录>卷第二（痈疽）

<篇名>治痈疽立效方

属性：小儿暑月头额生疔，亦可用。

生水蛭（一名马蟥。取数枚，置碗中，用讫纵之。冬月蛰于积水边，或田塍水道边，掘土取之。）

上用薄纸一片，剪丸如疮大；仍看疮脓头有几个，其纸对脓头作小眼，搭在疮上。将水蛭着在纸眼处，每一脓头用一水蛭，要得先啗去脓，其痛立止。如无脓头，即以手指按之，觉最热处是也。或用茶末，以水调涂疮上，看先干处即点记，如不能辨，即着在中间。如脓头只一个，而赤晕稍大，即近中处加用水蛭。如脓血啗尽，痛定肿退，可用膏药贴之。

绍兴中汀州黄守（武），疽发肩背之间，医药不瘥，用水蛭立效。因就寝盖被稍暖，睡觉

衣被皆湿，以烛视之，乃疮口自出血也。（水蛭啗尽恶血，不曾贴膏药，身暖，好血随路而出。）急令取池中藕，将藕节处泥抹疮口，其血立止。按本草云，水蛭攻痈肿毒肿，取十余枚病处，取皮皱肉白，无不瘥。冬月中无水蛭虫，地中掘取，暖水中养之，令动。先洗去人皮咸，以竹筒盛蛭，缀之，须臾便咬，血满自脱，更用饥者。（张仲钦运使传云，绍兴壬申岁，沿檄至汀，亲眼其事。）

<目录>卷第三

<篇名>苁蓉茸附丸

属性：平补真元，益养脾肾，固精壮气，暖胃思食。（督府王翰林方。丞相兄旧苦香港脚，自服

此药，十余年不作。）

鹿茸（一两，先用草烧去毛，切作片子，用酥炙，令香熟为度） 苁蓉（四两，酒浸一

宿

，切作片子，焙干）菟丝子（六两，酒浸两宿，炒令半干，捣作饼子，焙）牛膝（二两，酒浸一宿，切，焙）熟干地黄（二两，炒，焙）真乌药（一两）川五味子（一两）附子（一两，炮，去皮脐）白术（一两）天麻（一两）补骨脂（一两，炒）葫芦巴（一两，炒）茴香（一两，炒）干淡木瓜（一两）沉香（一分）木香（一钱，面煨）丁香（二钱，不见火）上件捣罗为细末，酒糊为丸，如梧桐子大；每服三五十丸，空心临卧，米饮、温酒、盐汤下。

<目录>卷第三

<篇名>鹿茸世宝丸

属性：诸虚不足，心脾气弱，腹肋胀急，肠鸣泄泻，腹疼，手足厥逆，顽痹，中满恶心，头疼

怯寒，肢体酸痛，饮食少思，气短乏力，惊悸自汗，并能服之。用药如下：（

鹿茸（酥涂，炙）附子（炮，去脐）白术（炒）阳起石（烧赤）椒红（炒，出汗）成炼

钟乳粉 苁蓉（酒浸，炙）人参（去芦）肉豆蔻（面裹，煨）川当归（炒）牛膝（去芦，酒

浸一宿）白茯苓 沉香 巴戟（去心，以上各一两）

上件十三味，根据法修制，并为细末，次入钟乳粉拌匀，炼蜜为丸，如梧桐子大。每服四十粒，盐饭饮或盐汤送下，食前，一日三服。

<目录>卷第三

<篇名>五解散

属性：治伤风感寒，或内伤生冷，头目昏痛，身体壮热，胸膈不快，干呕恶心，怯风怕寒，体

虚自汗。

藿香叶（一两，去土）人参（一两）白术（一两）半夏（一两，汤荡洗七遍）甘草（一

两，炒）白茯苓（一两）陈橘皮（一两，汤荡洗一次）浓朴（二两，去粗皮，用生姜自然

汁涂炙，紫色为度）

上件同捣为粗末。每服五大钱，水一盏半，生姜七片，枣子二枚，煎至七分，去滓温服，不拘时候。

<目录>卷第三

<篇名>育肠丸

属性：治远近一切赤白痢，实肠胃，进饮食。

当归（一两） 肉豆蔻仁（半两，粟米炒，以黄为度） 诃子皮（炮，半两） 黄连
（去须，

一分） 乌梅肉（一分） 樱粟（半两，炒黄黑色）

上为细末，炼蜜熟，丸大如绿豆许。每服十五丸，温陈米饮，食前。（平江辛太丞传。

有加芎者尤妙。）

<目录>卷第三

<篇名>硫附盐矾丸

属性：治经年久病，肠风下血不止，虚弱之甚者，一服见效。（以下二方，上官彦成驻泊传。）

附

子（一两，炮，去皮脐，别杵为细末） 绿矾（四两，用瓶子盛，盖之，火，食顷候冷取出。

入盐一合，硫黄一两，同矾研过，根据前入瓶子内，烧如食顷，候冷取出。再研令匀，为极细末。）

上件二味，药末同合一处，令匀，以粟米粥为丸，如桐子大。每日空心用生地黄汁吞下，温酒米饮亦得，每服三十丸。

<目录>卷第三

<篇名>治五种肠风下血。

属性：上厕粪前有血，名外痔。粪后有血名内痔。大肠不收名脱肛。谷道四面有肉如奶，名奶举痔。头上有孔肠出，名漏。并皆治之。

黄牛角腮（一枝，捶碎） 蛇蜕皮（一条，白者） 猪牙皂角（七茎） 穿山甲（一处，七十

鳞） 刺（一两，锉）

上件五味，入瓷瓶子内，以黄泥封固，候干。先以小火烧，令烟出后，用大火，令通赤为度。取出摊开，候冷，捣罗为细末。患者先用胡桃一个，分作四分。一分临卧时，细研如糊，温酒下便睡，先引出虫。至五更时，以温酒调下药末三钱，至辰时，更进一服。久年，不过三服立效。

<目录>卷第三

<篇名>比金散

属性：治肠风下血方，及治痔漏，又名立效散。（饶州周道太丞传。）

皮（一个）皂角刺（二两）KT 藤子（一个，去穰，锉碎，别碾为末）猪牙

皂角（一

两）白矾（半两）除KT 藤子外，上四味入瓷瓶内，盐泥封固，候干，先以小火烧，令烟

出，方用大火，令烟尽为度。取出，摊冷，杵，罗细末，入KT 藤子末和匀。每服一大钱，温酒调下

<目录>卷第三

<篇名>治五种肠风痔疾

属性：\x 饶州王康孺翰林传。 \x

凡下血，皆为肠风。粪后有血名内痔。粪前名外痔。大肠头出谓之脱肛。谷道四边有肉，谓之鼠奶痔。头上出血谓之漏。此方通治之。

黄牛角腮（一个）猪牙皂角（二两）蛇皮（一条）穿山甲（二两）大附子（一个，炮，

去皮脐）当归（半两，炒）叶（四两）麝香（一钱）皮（一个）

上件，一处砂瓶内，用炭火，令通赤。取出于地上，用盆合定，四畔用土覆之，去火毒，然后捣罗为细末。患者先用胡桃肉半个研烂，同酒半盏，调药末二钱，服之便效。

<目录>卷第三

<篇名>阿魏良姜丸

属性：治三脘气弱，中焦积寒，脾不磨，饮食迟化，吃物频伤，胸膈满闷，肋肋刺，呕吐啞逆，噫醋恶心，腹胀肠鸣，心腹疼痛，噎塞膈气，翻胃吐食，饮食减少，悉能治之。（以下二方，上官驻泊传。）

青皮（三两）陈皮（二两）良姜（二两）红豆（二两）桂（去粗皮，一两）缩砂（去皮

，二两）蓬术（炮，二两）草果子（去皮，二两）干姜（炮，二两）莱菔子（二两，炒）

木香（二两）砂（半钱）阿魏（一分。并砂用醋化，去砂石研）

上和面，煮糊为丸，如绿豆大。每服五十粒，淡姜汤吞下，不拘时候，日进二服。久服大补益脾胃，空膈，令人能食，去寒湿，强中温暖。如素来有沉寒积冷，腹中时作疼痛，宜服之。或无此证，去砂，常服温养中焦，有益脾胃。

<目录>卷第三

<篇名>麋茸丸

属性：治妇人风虚劳冷，一切诸疾，或风寒邪气留滞经络，气血冷涩，不能温润肌肤。或风

寒

客于腹内，则脾胃冷弱，不能克消水谷。或肠虚受冷，大便时泄。或子藏挟寒，月水不调，乍多乍少，或月前，或月后，或淋漓不断，或闭不通。百节酸疼，头顶作痛，相应脐、腹、腰、腿痛，痹不仁，悉能主治，大补益元藏。绝忌羊肉，解药力。

麋茸（火烧去毛，薄切酥涂，炙，四两） 当归（去芦，酒浸一宿，焙干，二两） 鹿茸（

火烧去毛，薄切，酥涂，炙，二两） 鹿角胶（麸炒，二两） 大黑附子（炮，去皮脐，二两） 沉

香（二两，不见火，好者） 肉苁蓉（酒洗，薄切，焙干，三两） 牛膝（去芦，酒浸一宿，焙

干，二两） 熟干地黄（酒洗，焙干秤，三两） 赤石脂（一两，真者） 破故纸（酒浸一宿，炒，二两。一方有麝香二两） 阳起石（一两半，夜间用瓷罐子盛，以酒二升，煮一宿，水洗，

焙

干，乳钵研如粉）

上十二味，同为细末。用酒蜜各等分，熬成稠膏子，搜和成剂，入木臼内，杵三千余杵，丸如梧桐子大。每服三十粒、渐加四十粒至五十粒，温酒盐汤吞下，空心，日午服之。（法，酒二十两，蜜二十两，慢火同熬成膏子丸。）

<目录>卷第三

<篇名>人参大温中丸

属性：治三焦不顺，脾胃积冷、心腹大痛、呕逆恶心，两胁刺痛，胸膈满闷，腹胀肠鸣，泄泻

频并，温脾暖胃。（婺州李麾翰林传。）

人参（去芦头，一两） 白术（一两，锉） 陈橘皮（去白，一两） 紫苏子（拣净，一两）

高良姜（一两，锉） 官桂（去粗皮，一两） 川干姜（五钱，炮）

上件七味，为细末，炼蜜为丸，每一两作十丸。每服一丸，煎生姜汤嚼下，不拘时。

<目录>卷第三

<篇名>水陆二仙丹

属性：取鸡头去外皮，取实连壳杂捣，令碎，晒干为末。复取糖樱子，去外刺并其中子，洗净

捣碎，入甑中蒸令熟。却用所蒸汤淋三两过，取所淋糖樱汁入银铫，慢火熬成稀膏，用以和鸡头末，丸如梧桐子大。每服盐汤下五十丸。久服固真元，悦泽颜色。括苍吴寅仲，久服有奇功。（此药稍闭，当以车前子末解之。）

<目录>卷第三

<篇名>神应乳香丸

属性：治诸般恶痢，腹中搅刺，日夕频并，危恶不瘥。

安息（一分，酒浸，晒三日，去滓，研为膏）诃子（一钱）乳香（一分，酒少许，化开

，晒三日，再用火焙熔令干，研为末）没药（一分，研为末，用安息香膏子和匀，用杏仁

不以多少，烧令烟出，上焙膏子，一日，干为度）

上件四味，研为细末，滴水为丸，如绿豆大。每服五丸、七丸，乳香汤下，空心食前，日三服，加至三五十丸。不忌毒物，其效如神。

<目录>卷第三

<篇名>神妙驱风散

属性：治风毒上攻眼目，涩痒疼不可忍者，或上下睑赤烂，浮翳，瘀肉侵睛。（出王氏《博济方》。）

五倍子（一两，槌破，去尘土）蔓荆子（一两半，洗，令净）

上二味，同杵为末。每服二钱，水二盏，铜石器内煎及一盏，澄滓，热淋洗。留滓二服，再根据前法煎淋洗。大能明目，去涩痒。

<目录>卷第三

<篇名>虚风丸

属性：治大人小儿一切风虚昏眩、神志不爽、心气不宁、手足搐跳，睡卧不稳。

麝（一钱）五灵脂（为末，银器内，炒烟尽为度，秤一两）白附子（真大者，炮烈，半

两）天南星（大者，炮，去皮脐，一两）乌蛇（只用项后肉，去皮，酒浸一宿，干，秤一两

）蟾头（一个，大者，炭火烧，烟将尽取出，不令成灰）赤脚蜈蚣（三条，全者，酒浸一

宿，焙干）

上除麝处，同为细末，绝细，再入麝同研匀，以醇酒作糊为丸，桐子大。每服一丸，不拘时候，或二丸，以人参汤、麝香汤嚼下，或温酒亦得。治小儿慢惊极妙。

<目录>卷第三

<篇名>四斤丸

属性：壮筋骨，治脚膝疼痛。

宣木瓜（去穰，切，焙干，秤） 牛膝（去芦头，寸锉，焙干，秤） 苁蓉（洗，块切，焙

干，秤） 天麻（细锉。以上各半斤）

上件用无灰酒五升浸，春浸五日，夏浸三日，秋浸五日，冬浸十日。日足取药焙干，加附子二两，虎骨一两。虎骨细镑，附子炮，去皮尖。同为细末，用浸药酒煮面糊为丸，如桐子大。每服五十丸，温酒或盐汤下，空心食前服。（虎骨须用酥炙令苏。）

<目录>卷第三

<篇名>妙应丸

属性：治妇人血经不调，月事湛浊，加之惊忧，遂发 疟，后汗出过多，损耗气血。常服滋暖子宫，调血养气。（池州徐学谕传。）

当归（去芦头，二两） 延胡索（去土，一两） 泽兰（取叶，一两半） 白芍药（雪白者，

一两） 肉桂（去粗皮，一两，不见火） 牡丹皮（去骨，一两） 川芎（一两） 木香（半两，不

见火） 石斛（去苗，一两） 川姜（一两，炮） 熟干地黄（净洗，薄切，焙干秤，二两）

上件修制了，焙干捣罗为末，醋煮，面糊和丸，如梧桐子大。每服二十粒，用温酒或米饮吞下，空心及晚饥服之。

<目录>卷第三

<篇名>丁香草果散

属性：治大人小儿脾虚发热及潮热，他药不能治者，服之如神。（余真州传。）

丁香（一钱半，拣辛辣者） 草果（三个，面裹煨，面烈为度） 麦门冬（半两，去心，汤

洗） 人参（二钱） 茯苓（二钱半） 半夏（二钱，姜制） 甘草（二钱，炙） 淡竹叶（数叶）

上为粗末，分作六服。用水一盏半，姜三片，枣一个，煎七分，去滓，不拘时服。小儿加陈皮二钱，去穰。

<目录>卷第三

<篇名>神仙透空丸

属性：治男子妇人偏正头痛，恶心，产后体虚伤风，憎寒头痛，洗头沐浴伤风，壮热头痛，痰

厥头痛，肾厥头痛，虚眩，项筋紧急，应一切头痛。（江州陈太丞传。）

天麻（一两，洗） 香白芷（一两） 半夏（一两，生用） 天南星（一两） 干姜（四钱，

生

用) 川芎(二两,洗) 地龙(半两,锤洗,去土净) 川乌(一两,生用,去皮尖) 草
乌(一

两,生用,去皮尖) 细辛(半两) 甘草(二两,生用) 白附子(半两)

上为细末,以药末一两,入白面一两,用新汲水搜和为丸。每一两分作十丸,于新板上
排定,日内晒之。如合,须是伏中合。

<目录>卷第三

<篇名>沉香萆澄茄汤

属性:治腰腿间寒湿作痛。(饶州雍医传。)

沉香(半两) 南木香(四钱) 丁香(四钱) 檀香(四钱) 萆澄茄(半两) 片

子白姜黄

(半两) 陈橘红(三钱) 青皮(去白,三钱) 粉大甘草(七钱) 藿香(去净土,四
钱) 白豆

蔻仁(半两) 天台乌药(半两) 人参(半两) 缩砂仁(三钱)

上为细末。每服一二钱,入盐点服。

<目录>卷第三

<篇名>神功散

属性:灸结胸伤寒,不问阴阳二毒,只微有气者,皆可灸,下火立效。

黄连(七寸,为末) 巴豆(七粒,去皮,新瓦上出油)

二味拌匀。令患者仰面卧,先用三鞞耳和艾一炷,如中指大,更用三鞞耳子,先着在患
人脐中,后安艾炷其上,只一炷,觉脐腹间有声,即便汗出而愈。

<目录>卷第三

<篇名>治风乌荆丸

属性:川乌头(一两,炮,去皮) 荆芥穗(二两)

上醋面糊为丸,如梧桐子大。每服二十丸,酒或熟水下。有疾,食空时,日三四服。无
疾,早晨一服。少府郭监丞,少病风挛搐,颐颌宽不收,手承颌,然后能食。服此六七服
即瘥,遂长服之。以五十余年,年七十余,强健,须发无白者。此药疗肠风下血尤妙,累有
人得效。下血人服此而瘥者,一岁之内数人。

<目录>卷第三

<篇名>乌金散

属性:治冒暑闷乱,不省人事,欲死,及发燥引饮无度,咽中痰涎不下。

不蛀皂角(一斤,刮去皮,猛火炙,令成麸炭,仍须存性,不可使成白灰也。秤三两)

甘草（一两，炙）

上同为细末。以新汲水或温熟水，调三大钱立瘥。此药神妙，不可具述。

<目录>卷第三

<篇名>良姜汤

属性：治阴寒积冷、心腹大痛、呕逆恶心、手足厥冷，心胸不快，腰背疼痛。（婺州李麾翰林传。）

高良姜（一两，锉碎，炒） 官桂（一两，去皮） 当归（去芦头用，一两，锉，炒） 干姜

（一两，炮） 人参（一两，去芦头） 吴茱萸（七钱半，炒） 白茯苓（一两） 附子（半两，

炮

上为细末。每服二大钱，水一盏半，入生姜五片，煎至七分，去滓，膈空服。

<目录>卷第三

<篇名>治气块刺痛

属性：暮夜即作，至不可忍，多因气中伤冷所致，久而不治。妇人尤宜服之。（以下二方，信守孟郎中充传。）

鳖甲（去裙并膜，醋炙，半两） 当归（去尾，一两） 木香（半两） 青橘皮（去白，一分）

枳实（半两） 人参（半两） 京三棱（半两） 没药（一分，研） 血竭（一分，研） 槟榔（一

分） 半夏（二钱，生用）

上为细末，醋煮稀糊，丸如绿豆大。不计时，白汤下十五粒，遇大府通利且止。若气发作，大府不通，即加至五十粒，以通为度。此病须是服此药，令气块消。然不可骤然多服，须待积久消磨。每日且只一二服，觉得气消不痛，却只一日一服，或三日、二日一服，仍旋服后面散子以补气。

<目录>卷第三

<篇名>常服散子

属性：人参（半两） 黄（半两） 当归（半两） 白术（一分） 木香（一分） 陈橘皮（去白，一

分） 甘草（二分，炙） 青橘皮（去白，一分） 沉香（一分）

上为细末。每服三四钱匕，水一煎，姜二片，同煎，取七八分，不计时服。遇气痛时，每服添枳实末一二豆许。

上陈侍御宜人，尝因不喜悦中食柑，自后遂苦心腹痛，久之腹中结块，遇痛作时，往往

闷绝，移时方苏，而常在夜间。是时，侍御作辟痲博士，京师医者皆不能治。有斋生蜀人史堪载之者，医闻一时，乃处此二方服。

一两月间，遂去根本。后二十余年，复因忧悒，此疾似欲再作而已，微痛即再合服之，数日而愈。

<目录>卷第三

<篇名>治妇人产后胎衣不下

属性：\x 乡人万应之秘校传。 \x

凡产，有产后胎衣不合，诸血奔入，久而血上冲心，遂致不救者。有产前失血过多，胎衣干涩不下者。庸医不晓，例以破血药治之，不知血尽转涩，遂终不救。旧有产妇胎衣不，呻吟痛楚，声不可闻，忽有人教之，用苧麻浸水两大碗，服之，实时呕吐，胎衣便下，遂得更生。

<目录>卷第三

<篇名>安肾丸

属性：治本气怯弱，筋骨无力，或时疼痛。（信州李谅驻泊传。）

熟干地黄（洗净，焙干，一两） 牡丹皮（半两） 附子（炮，去皮尖，半两） 金钗

石斛（

半两） 破故纸（炒，半两） 山药（半两） 肉桂（半两，去皮秤） 白蒺藜（炒，去刺，半两）

巴戟天（去心秤，一两） 肉苁蓉（酒浸一宿，一两。切，焙） 白茯苓（半两，去皮秤） 泽泻（微炒，半两） 萆（半两） 白术（半两）

上件为细末，用炼蜜和为丸，如梧桐子大。每服三十丸至四十丸，用温酒或盐汤送下，食前空心服。

<目录>卷第三

<篇名>神授散

属性：治伤折内外损。（予屡用之甚验。）

川当归（半两，洗净，别捣） 铅粉（半两，洛粉最上） 硼砂（二钱）

上同研细。每服二钱，浓煎苏枋汁调下。若损在腰以上，先吃淡面半碗，然后服药。在腰以下，先服药，后吃面，仍不住呷苏枋汁。更以糯米为粥，入药二钱，拌和，摊在纸上或绢上，封裹损处。如骨碎，则更用竹木夹定，外以纸或衣物护之。沈存中云，长安石使君，一日在 中，忽有呼其姓第，回顾不见。明日过市，复闻呼声，曰：我无求于人，以尔有难，特来救尔。石谢之，欲下马与语，其人止之，褫衣领中出一书，曰：有难即用。稠人中遂引去，石归视，乃此方也。石到京师，趋朝立马右掖门外，为他马所 撞，折足堕地，又为

<目录>卷第三

<篇名>普救散

属性：治四时伤寒、浑身发热、四肢疼痛、头重眼疼，不问阴阳二证，并皆治之。（永平庞知监施此药。）

苍朮（一斤，米泔水浸三日，切，焙干） 干葛（半斤，切，焙） 甘草（四两，炙赤色，切细）

上为粗末。每服二大钱，水一中盏，煎至七分，去滓，热服。如要出汗，加连根葱白二寸同煎，并两服，滓再煎一服，不拘时候，仍用沙铍，不得犯铜铁器。（初发伤寒宜下，此药汗后勿服。）

<目录>卷第三

<篇名>治喉口热毒至甚

属性：咽喉胸膈，内连心肺疼痛，饮水不下，气不能出，死在须臾，名曰马闭。（绕州上官医传。）

巴豆（七粒，去壳膜，研如泥）

上以坏子一钱，同研成膏子。每用一字许，醋煎皂角汁，调令稀稠得所，将鹅毛蘸药，扫于喉间，良久，咳唾出脓血或涎数升，然后用第二法。其法白矾飞过，白僵蚕微切，各半两，为细末。每服半钱，新汲水调下。

<目录>卷第三

<篇名>肉豆蔻汤

属性：治胸膈痞塞不快，脾胃有伤。（景卢传。）

肉豆蔻（炮） 草果子（去皮） 石菖蒲 干木瓜 良姜 干姜 浓朴（姜炙） 甘草（炙，各一两）

上等分，为细末。每服一钱，盐汤点服。

<目录>卷第四

<篇名>治舌衄。

属性：\x 二方出方氏《泊宅编》。 \x

槐花

上炒为末掺之。昔有士人，无故出血，仍有小穴，医者不晓何疾，偶曰此名舌衄，用此而愈。

<目录>卷第四

<篇名>治舌肿。

属性：蒲黄

上为末掺之，须真者佳。一士人沿汴东归，夜泊村步，其妻熟寐，撼之，问何事，不答，又撼之，妻惊起视之，舌肿满口，不能出声。急访医，得一叟负囊而至，用药掺，比晓复旧，问之，乃蒲黄也。

<目录>卷第四

<篇名>治汤火伤。

属性：大黄

上捣碎。调以美醋，敷疮上。《夷坚志》云：金山修供神，怒庖人不谨，渍其手镬中，痛楚彻骨，号呼欲死，神授此方遂愈。

<目录>卷第四

<篇名>苧蓉丸

属性：暖水藏，明目。（京师老李画传。寻常眼药多凉，非水藏之便。）

苧蓉（二两，酒浸一宿，焙干） 巴戟 枸杞子 菊花 川楝子（各一两）

上为末，炼蜜为丸，如桐子大。每服三十粒，温酒或盐汤下，空心，食前，临卧。

<目录>卷第四

<篇名>治干癣

属性：（以下八方景卢传。）

樟脑（一钱） 白矾（半钱，生用） 雄黄（半钱）

并细研，以生姜自然汁、酃醋各少许，磨羊蹄菜根如手指大二寸许，调药擦敷。止有食顷痛极，不过三次见效。

<目录>卷第四

<篇名>治淋。

属性：皂角刺（烧，存性） 破故纸（等分）

为细末。红酒或无灰酒调下。

<目录>卷第四

<篇名>治沙石淋。

属性：定磁末，罗细，以生地黄槌碎，同煎。如熟水，时时饮之。

<目录>卷第四

<篇名>治毒蛇伤

属性：（屡试如方。）

香白芷为末，麦门冬水调饮。仓卒时，新汲水亦可。

<目录>卷第四

<篇名>治冷积降气，宽膈逐痰

属性：橘皮去穰，取红一斤，甘草、盐各四两，水五碗，慢火煮干，焙，捣为末，点服。

<目录>卷第四

<篇名>补益治漏，秘精丸

属性：大附子（炮裂，去皮脐） 龙骨（，通赤） 牛膝（酒浸一宿，焙） 肉苁蓉（酒浸一宿，

焙） 巴戟（去心） 菟丝子（酒浸三宿）

上等分为末，炼蜜丸，梧桐子大。空心，温酒或盐汤下三五十粒。甚者，日午再服。小便如米泔者，不过十服。

<目录>卷第四

<篇名>治伤折骨碎

属性：\x 此方用之甚验。 \x

大鳔胶一味，碎锉，用无灰酒煮烂如粥，逐旋抄吃，极苦硬，须强进之，以多为度，每二两或四两为一服，伤甚者，不过半斤。

<目录>卷第四

<篇名>治疝气偏坠

属性：牡蛎（火） 良姜

上二味为末。用津唾调涂之，立消。

<目录>卷第四

<篇名>乌金散

属性：专治痔疾，神验。（以下五方，饶州王康孺翰林传。）

黄牛角腮 乌金子 五倍子 紫河车 威灵仙 枳壳

上等分，入瓷瓶内，用白雄鸡粪和黄泥固济，上留一窍子，炭火，烟尽为度。取出地上，出火气，为细末。每服三钱，空心酒调下。

<目录>卷第四

<篇名>倍苓丸

属性：治肠风下血。

槐花（六两） 五倍子（三两） 五灵脂（三两）

上件为细末，面糊为丸、如梧桐子大。每服三十丸，米饮下。

<目录>卷第四

<篇名>治风毒瓦斯眼

属性：连眶赤烂，洗眼神妙。

白沙蜜（二两） 乳香（通明者，一皂子大，温水浴过） 好黄丹（抄半钱）

上一处，于砂石器内，或银器内，用慢火熬令焦黑色，滴在水中不化为度。每用两黑豆大，沸汤浸洗眼。药成，露一宿方好。

<目录>卷第四

<篇名>治腰痛。

属性：五加皮

上不拘多少，为细末，如梧桐子大，酒煮面糊为丸。每服三十丸，空心温酒下。

<目录>卷第四

<篇名>秋石丹

属性：治男子妇人虚劳瘦。

秋石（一两） 干山药（一两）

上为末，别以酒调山药为糊，如梧桐子大，又以干山药为衣。每服二十丸。（温酒米饮任下。）

<目录>卷第四

<篇名>治诸痢

属性：\x 道人黄大成传。屡用之如方。 \x

鸭舌胆矾（，存性）

上为细末。每发时，用一字，以笔管吹入鼻内，涎出即愈。

<目录>卷第四

<篇名>治豆疮倒入肉

属性：\x 景卢传。 \x

人齿一个，（不以久近）。烧成灰。用 猪尾血调和了，入酒小盏同服之。窦永仲教授，年六岁时生疮，为邻近焚花所触，尽 入肉、诸医束手，母已发声哭。亲戚刘知县说此方，才饮酒了，元疮随手如故。（予见《沈存中良方》亦载此，用人齿三五枚，炙黄，为末，乳香汤调下，温酒亦得。）

<目录>卷第四

<篇名>治喉闭

属性：\x 陈子范教授传。 \x

皂角（半锥）

上挝为末。用醋一碗，就锅内煎数沸，以帛滤滓，令病患服之。

又方。（高逢辰制干传。）

麻油（少许，生油）

上以箸绞油生沫。即以油沫饮之。

<目录>卷第四

<篇名>治腰痛

属性：\x 以下二方，孙仲益尚书传。 \x

芸薹子

上用米醋研，调敷疼处。

<目录>卷第四

<篇名>治肠风

属性：橡斗子

上以干大枣置橡斗子中，以面裹，火炮，碎为末。用陈米饮作一服。

<目录>卷第四

<篇名>疮药方

属性：\x 饶州十七里李家传，甚妙。 \x

丛竹壳 野油麻叶 陈屋茅 百合花（干者） 猫儿骨

以上烧灰，入轻粉，和麻油调涂。

<目录>卷第四

<篇名>治癬

属性：羊蹄根（切作片）

上至五更初，先以布揩癬上，即取羊蹄根、烂嚼，止用汁涂，后以其片揩之，将冷水嗽口及洗手。初用药时，忌不得语，欲气勿泄也。

<目录>卷第四

<篇名>接骨方

属性：牡蛎（少许）

上为末。用糯米粥调之，涂其上，欲以沙木板夹之即愈。

<目录>卷第四

<篇名>治漏疮

属性：\x 高逢辰制干传。 \x

麝香 腊茶

上等分，为末。干敷。

<目录>卷第四

<篇名>治外风入疮口肿毒方

属性：全蝎（一个） 白僵蚕（三个，去丝） 蝉蜕（三个）

上为细末。裂葱汁调涂即愈。

<目录>卷第四

<篇名>癣药

属性：白矾（飞过，一两） 黄丹（半钱） 白药子（半两）

上为细末，旋掘羊蹄根独脚者，（一根者是）。取自然汁调药。先用布擦癣，微破，用药敷之。

<目录>卷第四

<篇名>治喉闭

属性：\x 郭廷圭知县传。 \x

白矾（一斤。好者） 好酒（一斤，无灰）

上同熬，以酒尽为度，入合子，临时用之。

<目录>卷第四

<篇名>治盗汗

属性：防风（细切）

上为细末，浮麦煎汤服之。婺州汪伯敏将仕云，尝见周仲恭尚书言，旧有盗汗之疾，每至大屋，则肢体凜然，须以帏幕遮护，后得此方遂愈。

<目录>卷第四

<篇名>治伤风

属性：五积散 败毒散

上以二药合煎服之。盖五积性温、败毒稍凉，服之无不效者。

<目录>卷第四

<篇名>治脚肿

属性：四物汤 小续命汤

上以二药同煎。章谧静之节推云，尝有人猝患脚肿，服此遂愈。

甘豆汤 治脚肿。

黑豆

上同煎汤服之。郭镇廷圭知县云，昔年太学士人，围闭中，多患脚肿，至腹则死，前后如此者非一人。后有施此方，服之皆愈，盖神方也。

<目录>卷第四

<篇名>灸劳法。

属性：以肚脐相对，取背脊骨灸之，甚妙。

<目录>卷第四

<篇名>治头风头痛。

属性：人中白 焰硝（各一两）

上用水一碗，无灰皮纸滤下，研细，重汤煮过，再研，入少脑子。每用少许，以斡耳子插入鼻中即愈。襄阳府胡急脚，专货此药，积钱至数万缗。秘惜不传，上官医以计得之。

<目录>卷第四

<篇名>茶牙汤

属性：治偏正头疼，恶心呕吐不止者。

细茶牙（一两） 生草乌（半两，去皮尖） 细辛（半两）

上为粗末。每五钱，水二盏，慢火煎至六分，去滓温服，一服取效。

<目录>卷第四

<篇名>附牛丸

属性：治丈夫妇人腰痛重，步武艰辛，痛不可忍，附牛丸。（上官驻泊传。）

附子（半两，炮，去皮脐） 黑牵牛（瓦上炒，令干）

上为细末，酒煮面为丸，如梧桐子大。每三十丸，空心温酒下。如半边腰疼，只用黑牵牛，瓦上焙干一边、附子炮一边、余一边生用，不去皮。捣罗为末，如前法服。

<目录>卷第四

<篇名>治烂缘风眼

属性：覆盆子

上取叶碎，以汁滴眼中，即有虫出。上官医云：顷岁寓居潭州浏阳县石霜寺，有皇

叔太尉者乳媪，患烂缘风眼，近二十年。一日有药妪过之，曰：老婆能治此眼，眼中有虫赤而长，其细如丝。遂入山取药，其家遣人尾其后，但见沿山路采取树叶，以手碎，入口咀嚼，留其汁，以皂纱蒙患人眼，握笔画双眼于纱上，然后用药汁滴于眼之下缘，须臾虫自纱中出，其数十七，其家甚喜。妪去数日复至，则眼下缘肉干如常人，再用前法治眼上缘，得虫又以十数。妪谓上官曰：公为医官，不可不传此方，须以钱二万偿我。上官诺之。遍召傍近村妇患此眼者治之，无不瘥。妪又曰：是方出本草果部中覆盆子注，云叶绞取汁滴目中，去肤赤，有虫出如丝线。上官屡用之皆效。

<目录>卷第四

<篇名>治KT疮

属性：\x 上官医传。 \x

鱧鱼

上以鱧鱼数条，打死。先用油涂其腹，置患人腿上，盘令周遍，以帕子系定。食顷，患人觉痛不可忍，然后取鱧，鱧腹上有针眼大窍子，皆虫也。虫既去尽，却用死人胫骨烧灰，涂疮口，即愈。（《沈存中良方》亦载活鱧治漏疮。）

<目录>卷第四

<篇名>治癬疥。

属性：宣连（去须，酒浸一宿）

上焙干为末，蜜丸如梧桐子大。空心日午临卧，酒吞二十粒。东坡云，惠州军校姚欢，年八十余，须发不白，自言年六十岁。患癬疥，周匝顶踵；或教服黄连，遂愈。久服，故发不白。

<目录>卷第四

<篇名>治香港脚灸法。

属性：上灸风市两穴，以多为贵。蔡元长为开封少尹，一日据案，忽觉虫自足心行至腰间，落

笔晕倒，久之方苏。椽曹曰：此疾非俞山人不可疗。使呼之，俞曰：真香港脚也，灸风市一艾

而去。明日又觉虫自足至风市便止，又明日疾如初。召俞，俞曰：是疾非千艾不可，一艾力尽，故疾复作。蔡如其言，灸数百，自此遂愈。（沈公雅检正说：予绍兴辛巳岁在吴门，虚郡宅以备巡幸，徒治吴县。县卑湿，始得足痹之疾，以风市为主，兼肩隅、曲池、三里，灸之即愈）。

<目录>卷第四

<篇名>治毒蛇咬

属性：毒瓦斯已入腹，青黯肿胀，痛不能忍。（太平州汤三益翰林传。）

生白矾末。须看所咬疮口大小，然后抄矾末于刀头上，熔令沸，乘沸滴在疮口上，随手痛止。若腹中毒瓦斯未退，根据前黯肿，即取草决明叶两握，研取自然汁，以热酒侵下，却将滓

贴疮口上，软帛轻手系之。

<目录>卷第四

<篇名>治鼻衄不可止欲绝者

属性：上茅花，无即以根代。每服一大把，锉，水两碗，煎浓汁一碗，分二服。沈存中云，林

次中御史在楚州，尝访一故人，久之不出，或问之，云：子妇衄血垂尽，方救视未及延客。坐中一客云：适有药，急令掇茅花一大把，煎浓汁一碗，带囊中取小红丸二粒，令茅花汤吞下，一服即瘥，而不言其方。后有人闻之曰：此只是茅花之功耳。试复问之，其人大笑曰：诚如此，红丸乃含香朱砂丸，恐不信茅花之功，以此为记耳。存中在 延时，一将官卒病衄甚困，以此疗之即瘥。又徐德占教衄者，急灸项后发际两筋间宛宛中，三壮立定。盖血自此入脑，注鼻中，常人以线勒颈后尚可止衄，此灸决效无疑。

<目录>卷第四

<篇名>治诸鲠。

属性：以木炭皮为细末，研令极细。如无炭皮，坚炭亦可。粥饮调下二钱，日四五服，以鲠下

为度，此法人家皆有。沈存中云，在汉东乃目睹其神，有刘晦士人邻家一儿，误吞一钱，以此饮之，下一物如大乌梅，剖之，乃炭裹一钱也。池州徐使君极宝此方，数数用之，未有不效者。近岁累有人言得此方之效，不复悉载。

<目录>卷第四

<篇名>治盗汗。

属性：当归（半两，去芦，细切） 人参（半两） 猪心（一个，雄者，细切）

上以猪心分四片。用一片，水三盏，煎一盏半，作二服。（一方，当归人参各一两，雄猪心半个。细切，五盏水，煎三盏，去滓两服。）

<目录>卷第四

<篇名>龙须散

属性：治中暑，迷闷不省人事，暑月代一切暑药。（予暑月常合此药，以饮从者。）

甘草（一两，炙） 乌梅（一两，去仁，瓦上焙干） 白矾（半两，生研） 五倍子（一两，

拣)

上为细末，入白面四两，同和匀。每服一大钱，新水调下。如泄泻、霍乱作渴，一服即愈。虽平日不敢饮冷者，以冷水服药不妨。(世传仁庙所赐近臣方。)

<目录>卷第四

<篇名>治风牙疼

属性：华阴细辛 多年锻石

上二味，等分为末。每用少许，揩牙，沥去涎，温水灌漱立止。

<目录>卷第四

<篇名>治蛀牙疼

属性：巴豆，不以多少，去壳，面裹煨熟，去面，粟米 同巴豆研为丸，如萝卜子大。每用一二粒，绵裹安于蛀孔内，仍睡，少时觉不疼去之。

<目录>卷第四

<篇名>治风牙蛀牙一切疼痛

属性：\x 每用药，止用一米大，仍以连纸贴之\x

巴豆（一大个，去大皮） 豆豉（七个） 大蒜头（一个，去须，并去薄皮）

上作一处，研极烂，丸作一团，用油纸裹。每遇牙疼，至卧时，先以温水漱口，次以针微剔所痛之处，以药实之，明日复以水漱灌即愈。

<目录>卷第四

<篇名>治五种牙疼

属性：不蛀破处者。

细辛 干姜 川乌 草乌 萆薢 吴茱萸（各半两） 草（一两） 木律（一分）

上为细末。先用盐汤蘸湿手，点药揩牙。候良久、药力败，用温水灌漱，齿痛即止。

<目录>卷第四

<篇名>治风蛀牙如虫蛀破者

属性：乳香（一钱） 巴豆（三粒，纸裹，压去油。)

上火上熔乳香成汁，用巴豆不住搅和、候冷取出、圆成膏子。酌量牙齿窝穴大小，将灯上炙，旋圆，纳于穴中，痛即止。

<目录>卷第四

<篇名>治牙摇牙宣

属性：\x 汤致远知院传\x

草根（一名香附草）

上去皮细切，用生姜汁浸一夕，次日曝干，晒为末用之。

<目录>卷第四

<篇名>治暴嗽不止或失声者

属性：（饶州上官医传。）

款冬花（去枝杖，细锉，焙干，为细末）

上用生蜜，搜和作饼子，贮火香炉中，如装香然。安药在火上，令病患开口 烟，米饮吞下，临卧时。（予顷年见绍兴赵判宗云，先以款冬花在香港中烧烟，却用小竹罩罩之，止露一窍，承之以口，凡三两次嗽即止）。

<目录>卷第四

<篇名>治恶疮久不较，诸药无效。

属性：白鳢鱼头（干者）

上烧为细末，用轻粉调涂。

<目录>卷第四

<篇名>治冷漏

属性：\x 行在邹春大夫传。 \x

蛻螂虫（化蝉者）

上用三两枚，于瓦上炒成灰，干掺疮口。

<目录>卷第四

<篇名>治喉闭

属性：南硼砂（一钱） 青黛（一钱） 甘草（半钱） 白僵蚕（二钱）

上为细末，用脑子少许，研和，干掺喉间即愈。

<目录>卷第四

<篇名>治咽喉肿痛

属性：白矾（飞过） 甘草（炙，各半两）

上为细末，干掺喉中，徐徐吞下。

<目录>卷第四

<篇名>治冻死

属性：旧荐

上用荐束冻死者其中，袞转不绝手，自然和气相续即愈。

<目录>卷第四

<篇名>治死

属性：泥浆

上于行路中，旋以刀器掘开一穴，入水其中，捣之，却取烂浆，以饮死者即愈。

<目录>卷第四

<篇名>治溺死

属性：\x 予在鄱阳，尝有溺水者，身僵气绝，用此法治之即苏。 \x

干壁泥

上先打壁泥一堵，置之地上，却以死者仰卧其上，更以壁土覆之，止露口眼，自然水气翕入泥中，其人遂苏。

<目录>卷第四

<篇名>治火烧汤泼

属性：醋

上以酸者，用手擦地上泥涂之。

<目录>卷第四

<篇名>治汤火疮

属性：釜镬下黑尘

上以水烂研，入蜜及油，调敷立愈。

<目录>卷第四

<篇名>治嵌甲

属性：青蝇（四十九枚） 麝香（百文）

上取蝇折去两翼不用，以其余晒干，入麝为末。或急用，则取蝇置怀中，候干掺之，或疮干即入油调敷。（又一方用蜗牛一枚，橄榄核一枚，烧存性，同为细末，入膩粉），黄丹油调敷，然（不若此方为妙）。

<目录>卷第四

<篇名>治小肠气

属性：舶上茴香（一斤）

上用生姜四两，研碎并滓汁拌和茴香，过一宿，晒焙干为细末，次用青盐二两，别碾入药，酒糊为丸，如梧桐子大。每服三五十丸，盐汤或温酒下，空心食前。郭廷圭知县云，旧苦此疾，岁不下五七发，服药一料，病根遂除，今以十五六年不作。

<目录>

<篇名>卷第五

属性：妇人小儿

<目录>卷第五

<篇名>乌金散〔一〕

属性：治妇人产后百病（饶州彭氏传。有歌答十八篇，文多不载）。

表格

（烧时切忌妇人鸡犬见，如见，服之无效，切须忌之。用一匱根据此写讫，定四面，各立坯子，作一圈子。其头发、鲤鱼皮各用一藏瓶，去底入药，盛讫，却用瓦子盖，用好纸筋盐泥固济，乘湿放在土字上，用木炭火五斤烧通赤，取藏瓶放冷，打开出药）。

血余（半两，根据前法烧之） 鲤鱼皮（一两，根据前法烧之） 没药（半两） 红花（一分，生

用） 伏龙肝（一分 灶下取烧赤者土是） 凌霄花（半两，色鲜者，焙使） 好香墨（半两，

生用） 干柏木（一分，细研入，香好者可使） 当归（半两，去梢土，微炒，令香用之）

上件九味，并细为末。产后母子热疾后胎死在腹，难产，生衣不下，血晕起坐不得，如见异花，口干心闷，乍寒乍热，四肢浮肿，言语颠狂，见神见鬼，不语，泻痢，腰膝疼痛，小肠尿血涩痛，崩中、呕逆不安、咳嗽涕唾、喉中如猫作声，面色遍身黑，赤点子生，眼涩腰肿，身发筋急，应是一切产后诸疾皆治。以酒一盏，煎取八分，调药两钱，空心频服之，用无灰酒大妙。

<目录>卷第五

<篇名>催生如圣散

属性：黄蜀葵花

上一味焙干，为细末。每服二钱，熟汤放温，调下神妙。或有漏血，胎脏干涩，难产痛剧者，并进三服，良久腹中气宽胎滑，实时产下。如无花，只用黄蜀葵子，烂研小半合，以酒调滤去滓，温饮尤佳。（予家常合以济人，甚验。）

<目录>卷第五

<篇名>万灵丸

属性：治妇人月水湛浊不通，久无嗣息，血癖气痛，四肢浮肿，呕逆心疼，虚烦劳闷，面色痿

黄，崩漏带下，寒热蒸劳，头疼齿痛，血下无度，淋漓诸疾，产前安胎，临产催生，产后胎结痛，伤寒，烦渴，泻痢，血劳，血运，筋挛，痰盛头疼，败血上冲，血刺，泄泻，咳嗽喘

急，嗽血，血块起伏，气痞，气膈，血作腰痛，小便不禁，子死腹中，失盖汗不出，血风，脚手痹顽，凡产后诸疾，皆治。

牡丹皮（洗） 川 本（洗） 川当归（切开，裏面赤黑色者佳，洗） 白茯苓（去皮）

赤石

脂（别研） 香白芷 官桂（去皮，不见火） 白薇（洗） 京芎（洗） 玄胡索（去皮） 白芍药

白朮（米泔浸一宿，以上各一两） 甘草（炙） 沉香（不见火） 没药（别研，以上各半两）

上件药材，皆用温水洗净，杵罗为末，炼蜜丸弹子大。每服一粒或半粒，空心温酒化下。凡妊娠临月，服此五六粒，产时无痛。如久无子，服二十粒，当月有子。并治积年血风，半身不遂，种种血疾，不问年深，皆可疗，神效不可具述。

<目录>卷第五

<篇名>乌金散（二）

属性：治血崩漏下。最治产后血崩，并小产血崩漏下。

棕榈皮 乌梅 干姜（烧灰存性，三味各等分）

上研细。每服二大钱，煎乌梅汤调，温服，不以时。

<目录>卷第五

<篇名>救生散

属性：治急喉闭。产前产后有此疾，皆可服之。

白僵蚕（半两，去丝，锉，略炒） 甘草（生，一钱重）

上二味，各取末，秤，和匀。每服一钱匕，以生姜汁调药，令稠，灌下，便急以温茶清冲下。

<目录>卷第五

<篇名>治妊娠忽然下血腰痛不可忍

属性：鹿角（一两，锉） 当归（一两，锉）

上二味作一服，以水二盏，煎至一盏，去滓温服，食前。

<目录>卷第五

<篇名>治妇人产后因惊或怒伤肝

属性：或忧气逆中脘，或坐草风入子脏，遂成颠狂，或成中风不语

荆芥穗（瓦上焙干）

上为细末。每服二大钱，热米饮调下，酒亦得，用之如神。

<目录>卷第五

<篇名>催生药。

属性：香白芷百草霜

上等分为末。用童子小便，却入酒醋少许，沸汤调下，甚有神验。

<目录>卷第五

<篇名>滑胎易产神效八味散

属性：（一名如意散。以下四方，太平州郭师显驻泊传）。

甘草（二两，炙） 黄芩 大豆黄卷 干姜 吴茱萸 麻子仁 大麦（炒，以上各四两）

桂心（三分）

上为末。酒服方寸匕，汤饮亦得，空心食前，须入月方得，服过三十日。

动作宜谨，勿上厕，恐不觉堕地，如此之易也。

治产后虚眩，不能支持，两胁当脐急痛，气上冲，前后相引痛，治之如神，

<目录>卷第五

<篇名>羊肉汤

属性：精羊肉（切，四两） 当归（切，半两） 川芎（锉，半两） 生姜（切，一两）

上以水十盏，煎至三盏，掠上沫，去滓。分四服，空心热服，一日服尽，来日再合，两日滓并一日煎之，当一剂服。

<目录>卷第五

<篇名>产后防晕方

属性：旧漆器

上不以多少，烈火烧烟熏鼻中即醒。

<目录>卷第五

<篇名>治产后大便不通

属性：缘亡血过多，肠间干燥，甚至旬日以上，腹胀急，痛，闷冒，气喘，神昏力弱。欲攻之

，则必致危殆，不攻则无缘得利。郭医云，尝用古方蜜导法，实时得下，且无所损，真活人之法。其方虽见仲景《伤寒论》，而产家不载，最为紧要。

<目录>卷第五

<篇名>顺经散

属性：治小儿十余岁，因惊之后，心气不行，小腑淋漓，日及三十余次，渐觉黄瘦，宜服此

剂

主之。（高逢辰制干传）。

韭子（汤浸退，取白仁，干秤，一两） 益智子（取仁，盐炒过，半两） 琥珀（半两，令

研） 石苇（去毛土，一钱） 白茯苓（三分、 狗脊（去毛净，半两） 石燕子（火，醋炒，

出

上七味，为末和匀。每服一钱，用韭菜白煎汤调下，空心食前各一服，日午一服尤妙。

予表侄十余岁时，尝游慧山，归已昏暮，遇一巨人醉卧寺门，惊悸得疾。自是之后，一日便溺五六十度，医治数月不能效，遂以病证扣高逢辰，即援笔授此方。服药未几，日减一日，初则三二十度，最后十数度，凡服两料而愈。

<目录>卷第五

<篇名>九宝饮

属性：治小儿因伤寒、邪不曾解利、致成远年嗽、兼治上喘气嗽不得睡。（常州顿助

紫苏叶（一两） 薄荷叶（一两） 麻黄（一两，去节） 大腹皮（一两） 肉桂（半两） 甘草

（半两，炙） 杏仁（半两，麸炒） 桑白皮（半两） 陈橘皮（半两，去穰者）

上件为粗末，令将杏仁研极细，将诸药同和匀。每服半钱，水半盏，乌梅半枚，生姜一片，同煎三分半，食后去滓温服，临睡亦得。忌酒腥之物。

<目录>卷第五

<篇名>治小儿泄泻

属性：金液丹 青州白丸子

上以二药等分，细研，用面糊丸，如黍米大。每服五十丸，米饮下。临安节推章谧静之云：渠有小儿，自五月患脏腑至七月不止，遂作慢惊候，以此药投一服，徐用少粥压之即愈，再服六七服，遂无事。（钱氏小儿方亦载此。）

<目录>卷第五

<篇名>肥儿丸

属性：\x 外舅朱临江传。 \x

川黄连 茺莢仁 神曲（炒） 大麦（炒）

上四味，等分为细末，用猪胆为丸，如小绿豆大。每服三十丸，加至五十丸，食后熟水吞下。（此方乃李文定丞相家方。海盐祝宰为常宁时，女子失奶，极黄瘦，丞相孙维翰来访，为传此方，自云其家得此药，小方脉未尝登门。女子自服此药，十日内取下疳虫，仅万余，自此日益顽壮。须小儿可服药即与之。孟正云：秦相家尽服此药，但加萝卜子一味。）

<目录>卷第五

<篇名>神曲豆蔻丸

属性：治小儿疝气，羸弱，脏腑虚怯，及滑泄不止，饮食减少，腹胀寒热，面黄肌瘦，引饮无度。

神曲（半两，炒） 肉豆蔻（三枚，面裹煨） 麦（半两，炒） 宣连（半两，去须）
使君

子（十四枚，去壳） 茺萸仁（一分） 芦荟（一分，合研）

上为细末，用猪胆汁浸，面作糊为丸，如黍米大。每服二十丸，饭饮吞下，空心服。

<目录>卷第五

<篇名>木香分气丸

属性：治小儿脾胃虚弱，饮食过伤，积滞内停，或多吐逆，胸膈不快，面黄腹急
香附子（水浸一宿，捣去黑皮，令净 饭上蒸过一次，焙干秤，二两） 南木香（一钱，
面裹，煨） 缩砂（一分，去壳） 甘草（半两，炙） 京三棱（半两，湿纸裹，煨，乘熟切，
焙） 姜黄（半两，米泔水浸一宿，切，焙）

上为末，用白面糊为丸，如黍米大。每服二十丸，饭饮吞下，温熟水亦得，食后服。

<目录>卷第五

<篇名>助胃膏

属性：助小儿胃气，思食止渴，常服甚妙。（饶州张采助教传。）

人参 白术 甘草 茴香（各半两） 干山药（一两） 檀香（一钱） 乌梅肉（半两）
白

豆蔻仁（半两） 缩砂仁（半两） 干木瓜（一两）

上为细末，炼蜜为膏。空心，如皂子大，每服一丸，嚼服，或温水吞下。治小儿麻豆疮子，已出太盛，发溃，脓水粘衣着席，不能转动，疼痛，湿烂，敷之便干，更不成瘢痕方。上用牛粪，不以多少，晒干，火成灰，取心中白者，研令极细。如用蛤粉相似，用绵扑扑有疮处，不以时候。一方用乌牛粪，一方用黄牛粪。（出《幼幼新书》。一名白龙散，此方用之有验。）

<目录>卷第五

<篇名>辰砂安惊丸

属性：理风热涎盛，身体拘急，睡中不稳，镇心。（以下三方，张采助教传。）

天麻（一分） 川芎（二钱） 防风（半两，洗，去芦头） 甘草（一两，炙） 白附子（一分）

）人参（半两，洗） 茯神（半两） 朱砂（二钱，一半入药，一半为衣）

上细末，炼蜜为丸，如鸡头大。每一丸至两丸，用薄荷、荆芥煎汤化下。

羌活膏 散风热，化痰安惊。

羌活（半两） 荆芥穗（半两） 白术（二钱） 甘草（半两） 白附子（二钱） 桔梗（去芦头

，洗，半两） 白茯苓（二钱） 川芎（二钱） 防风（二钱，去芦头） 朱砂（二钱，一半入药，

一半为衣）

上细末，炼蜜为丸，如皂皂子大。每服一丸至两丸，用薄荷汤化下，如痰盛加腊茶汤下

<目录>卷第五

<篇名>大天南星丸

属性：治小儿急慢惊风、涎潮发搐、目睛上视，口眼相引、牙关紧急，背脊强直，精神昏塞，连日不省。

滴乳香（研） 龙脑（研） 牛黄（研，各半钱） 朱砂（研，三钱） 麝香（研，一钱半） 天

麻人参 防风（各一分，去芦头） 天南星（黄牛胆汁制，半两） 干蝎（十四个，汤浸软，

去腹内土，微炒）

上细末，炼蜜为丸，如大鸡头大。每服一丸，荆芥薄荷汤下。

<目录>卷第五

<篇名>治祿中小儿脐风撮口法

属性：上视小儿上下龈，龈当口中心处，若有白色如红豆大，此病发之候也。急以指爪正当中掐之，自外达内，掐令匝，微血出亦不妨。又于白处两尽头，亦根据此掐令内外断。（只掐令气脉断，不必破肉，指爪勿令大，恐伤儿甚）。沈存中云：为河北察访使日，到赵郡，有老人来献此法，云笃老，惜此法将不传，愿以济人。询之赵人云，此翁生平手救千余儿矣，环数邑之人，皆就此翁，治儿应手而愈。

<目录>卷第五

<篇名>没石子丸

属性：治小儿吐泻，脏腑不禁。（上官医传）。

黄连（鹰爪者，炒） 诃子（炮，去核） 肉豆蔻（面裹，炮） 木香（炮） 没石子（炮）

上各秤一钱，为细末，粟米饭为丸，如绿豆大。米饮三十丸。

<目录>卷第五

<篇名>误吞珠铜铁而哽者方。

属性：烧弩铜牙令赤，内酒中饮之，立愈。

<目录>卷第五

<篇名>误吞钱方。

属性：捣火炭末，服方寸匕则出。

<目录>卷第五

<篇名>误吞钉及箭金针铁等物方。

属性：多食肥羊肉脂及诸肥肉，自裹出。

<目录>卷第五

<篇名>封凶

属性：天南星（一个，极大者）

上以慢火炮裂，去皮脐，入华阴细辛三钱，同杵为末，入麝香少许，用米醋调，涂绯帛，贴在凶上，以干为度。

<目录>卷第五

<篇名>治小儿吐。（宗人子与寺丞传。）

属性：赤曲（半两） 藿香叶（半两） 丁香（一分，不见火。如热吐，即减丁香之半），肉豆蔻（

一个，面裹，炮）

上为细末。每服一钱大段，小者半钱，煎香楠木汤调下。楠木定惊止吐，神妙不可言。

<目录>卷第五

<篇名>治小儿误食谷芒。

属性：鹅

上将鹅倒沥，盛半蛤蜊，令小儿饮之，谷芒即下。

<目录>卷第五

<篇名>消风散

属性：治小儿一切口疮，并重舌鹅口。（以下五方，信州蔡敏修助教传。）

硼砂（一钱） 朱砂（一字） 雄黄（一钱） 甘草末（一字） 脑子（一字）

上研细和匀，少许敷之，吞咽不妨。屡用如方。

<目录>卷第五

<篇名>雄朱散

属性：治小儿腮颌里外肿核。

石膏（二钱） 雄黄（二钱） 牙硝（一钱） 天竺黄（二钱） 甘草末（一钱） 脑子（半字）

上研细和匀敷之，里核吃不妨，外核用薄荷汁调涂。缴口，新水调亦得。

<目录>卷第五

<篇名>金华散

属性：治小儿一切疮疡。

黄皮（去粗皮，半两，炙焦） 黄连（半两） 海螵蛸（三钱） 五倍子（三钱） 轻粉（一分，研入）

上为细末和匀。疮干用油调敷，湿时干敷。

<目录>卷第五

<篇名>如圣散

属性：治小儿一切头疮。

松脂（半两，研细） 轻粉（半两）

上件和匀，油调敷之。

<目录>卷第五

<篇名>急风散

属性：治小儿喉闭咽痛。

青胆矾（成片，好者）

每用少许，研细，新水调少许咽之，吐痰为妙。大人亦治。

<目录>卷第五

<篇名>坠涎丸

属性：治咳嗽化痰。（以下二方，张采助教传。皆有神验。）

天南星（去皮脐，生用，半两） 白附子（洗，去皮，半两） 川乌尖（去皮脐，生用，一

分） 白僵蚕（洗净，直者，一分） 白矾（枯，一分） 半夏（洗净，生用，一两）

上为细末，用姜汁糊为丸，如小绿豆大。每服二十丸，用生姜、薄荷，泡汤吞下。

<目录>卷第五

<篇名>辰砂丸

属性：治咳嗽，安惊化痰。

辰砂（半两，研，一半为衣，一半入药） 白矾（枯，半两） 天南星（去皮脐，切作片子，再用雪水煮，焙干，一两） 大半夏（汤浸七次，用生姜自然汁作饼子，炙，一两半） 白附子（去皮，炮，半两）
上为细末，用糯米粉煮糊为丸，如小绿豆大。每服二十丸，用腊茶、薄荷汤吞下。

<目录>卷第五

<篇名>四君子丸

属性：治脾虚、受食不克化、停积中脘、吐逆恶心，脏腑泄泻。常服消化食滞，进美饮食，浓

肠胃，充肌体，悦颜色，退黄。（婺州蒋助教传。以下三方，予家常合，甚效）。

缩砂仁 乌梅肉（焙干秤） 陈橘皮（去穰，取仁） 诃子（纸裹，煨，去核，取皮用）

上各一两，为末。煮好大枣，取肉为丸，如麻子大。每服三十丸至五十丸，枣汤熟水任下，无时。

<目录>卷第五

<篇名>肥儿丸

属性：\x 以下二方，张采助教传。 \x

黄连（炒） 茺萸仁（炒） 神曲（炒） 麦（炒） 芦荟（细研，以上各等分）

上为细末，猪胆汁调，面糊为丸，小绿豆大。每服十五丸至二十丸，饮吞下。

<目录>卷第五

<篇名>观音散

属性：理脾胃不和，气弱昏倦，多困，不思食。

白术（一分） 人参（一分） 甘草（一分，炙） 干葛（出粉，一分） 藿香叶（一分） 白扁

豆（三钱，炒） 茯苓（三钱） 樱粟子（三钱，炒） 绵黄（一分，炙） 木香（一分）

上为细末。每服二钱，用生姜、枣子、紫苏煎汤调下，不计时，日进三服。

<目录>

<篇名>后记

属性：上集验方五卷，皆予平生用之有着验，或虽未及用，而传闻之审者，刻之姑孰，与众共之。

\x 干道庚寅十二月十日番阳洪遵书\x

贤人留意济斯民，学仕之余未舍勤，犹访医方治疾病，岂因富贵堕心身。乃知后世家风远，想见当年德业新，愧我长贫仍懒堕，不能望见属车尘。

洪公当宋盛时为侍从官，兄为宰相，其富贵为何如也，而恳恳不忘救民之事，着成方书，百世行之。

余素不谙医，而喜蓄医书，非真好医书也，好医书之为宋元旧刻者。今兹六月中，有扬州书友来告余云有宋版《太医集业》四册欲售，余属其携来，久而未至，闻已售于他姓，亦不甚惜之；因向来各家书目未载，即旧藏书家亦俱不知，或者书未必真宋版。后阅陆其清《佳趣堂书目》载是书，云文渊阁藏本，有杨南峰、邹臣虎二跋，方悔前此不之买，而已弗可追矣。适余友陶琅轩从都中寄此宋版《洪氏集验方》二本，至乃欣然，以为聊饜我欲。盖此宋版医书亦所罕有，见有季氏图书，随检延令宋版书目，知即系是书。卷后八行墨迹，季氏云鲜于枢诗跋，谅必有本而云然。百世行之以下，定有脱文，想沧苇收藏时必未遗失，故知之详也。至于板刻年月，载之甚详，宋刻固无疑义。而余旧藏《伤寒要旨》与此同出一手，黄宪毛用刻工姓名可考而证。刊刻之地同是姑孰，刊刻之时同是干道，唯辛卯差后庚寅一年尔。二书之分不知几时，二书之合又在一地，岂非奇之又奇耶。余言详彼书跋语中，兹特志得书之由，并志余所以考证是书者如此。

\x 甲子十一月堯翁黄丕烈识\x

顷在扬州郡斋，借到《太医集业》，寻览之余，见板口有三因字，遂取《三因极一病证方论》互勘，知即割裂其残本为之耳。《太医集业》者，第二卷之一条，并非别有此书也，《佳趣堂书目》所云误。归晤堯翁，出示是跋，举以语之，嘱记于后，他年倘仍收得，必拊掌一笑。

\x 嘉庆乙丑八月润 顾广圻书\x